

靈寶領教濟度金書卷

一百四十六之
一百四十七

問十

靈寶領教濟度金書卷之一百四十六

四一
百

卷七
同

問十

洞微高士開光救苦真人竈全真授

靈寶通玄弘教水南先生林靈真編

科儀立成品祈禳通用

壇中告符儀

大謝畢舉

靈通感應天尊

高功上香長跪

具此奉行某齋小兆
臣某誠惶誠恐稽首頓

首冊拜上言

臣

聞金符煥耀流法雨於八紘

玉宇煒煌扇靈風於三洞仰鳳篆虬圖之貴

扣巒馬和龍御之尊敢結寸丹爰攄尺素以今

奉為齋主某宗建某齋謝過祈恩延生請福

切處理微理顯謀身謀家災隱未形慮福襟

問十

而有厄變藏不測期德履之無虞匪假靈光

曷消塵暗謹依回車畢道天樞大法宣告靈

寶三景玉符庶仗慈悲普為禳禱伏望高真

憫祐上聖矜憐即降勅命行下十方三界社

令城隍里域神祇土地司命依準

帝勅遍關攸司即俾萬願咸通千災遠離云
為動靜無苦惱之干侵出入起居有吉祥之
擁護公私泰定中外雍和臣無任虔禱之至
所有靈符謹當告下

告符

三天有勅普告萬靈小兆弟子保護家庭
今請玉符萬事利貞如律宣告風火驛程
敢有拒逆萬劫艷刑所求如願萬福來并
急急如靈寶神符律令

衆念

聖德留科教

修齋福壽長

延生題玉簡

請命奏金章

罪名除北府

生籍上南昌

見存皆獲慶

過去生天堂

焚符

宣關

誦諸品經儀

問十

步虛

按人各恭信

三皈依

志心歸依

十方道寶當願衆生起心回向一切信禮

志心歸依

十方經寶當願衆生心開悟解受持轉誦

志心歸依

十方師寶當願衆生普上法橋無有障礙

祝白

具位臣某謹焚寶香虔誠奏啓

太上無極大道虛無自然元始天尊妙無上
帝虛皇玉晨大道君妙有上帝萬變混沌玄
元老君至真大帝諸天上帝十極高尊上元
一品賜福天官大帝中元二品赦罪地官大

帝下元三品解厄水官大帝祖師正一沖玄
神化靜應顯佑真君上清王趙二真人天曹
地府五嶽四瀆洞天福地三界職司城隍社
令無邊真宰臣聞龍漢開圖玉字恢張於五
太鶴鳴御運金書羅絡於三靈始青演妙而

同十

三

寶韻十迴空碧凝真而琅音九遍瓊房流盼
玉局承顏彰南北之樞機佐乾坤之綱紀魏
巍三洞彰紫炁於玄黃蕩蕩九清啓神功於
經緯制劫運則赤書開廓提輻圓則丹簡宏
敷鳳篆昭回瓊闕儼飛天之衛龍章煥耀紫

宮敷典禁之藏自帝尊日闢於上乘故仙聖
風行於下教淵源有翼潤澤無疆爲苦海之
慈航實昏衢之慧燭凡伸丹禱必賴玄恩以
今奉爲齋主某爲某事誦經期集嘉祥用符
欸願臣等調聲正氣異口同音按二錄之威
儀雍雍嘯詠遵七真之科律侃侃謠誦靈風
陶大地之和法雨洗先天之潤伶華逸響梵
唱流明鳴玉扣瓊儀鳳凰於九奏流金舞翠
召鸞鶴於八遐神人允歡幽明胥慶以茲功
德奉爲齋主某爲某事伏願蕃釐地擁純嘏

天來道炁羅敷蔭精神而不老經法流演澤
步武以長新觀熙調玉樹之華挈蒙發金花
之粹百千萬重莫滓天倪三十六旬常安人
紀壽祉高摩於日觀福源廣接於雲瀛舉案
齊眉迓簾櫳之喜炁扶床坐膝開簪紱之佳
聲無鼠牙雀角之憂有鳳翼龍鱗之望千寬
開釋九祖超凌臣下情無任懇切之至

宿命讚

啓經

雲篆太虛浩劫之初乍遐乍邇或沉或浮
五方徘徊一丈之餘天真皇人按筆乃書

以演洞章 次書靈符 元始下降 真文誕敷
昭昭其有 冥冥其無 沉痾能自痊 塵勞溺可浮
幽明將有賴 曷是升仙都

以今奉為某人某事誦經今當恭按瓊科肆
揚玉笈恭願天無浮翳地絕妖塵琳琅振響

同十

四

於十方導迎景福縹緲流華於三洞宏演嘉
祥即使齋主某妄業俱融真機獨露解結節
胞根而披散謹視聽言動以清明玉簡流輝
南上紀名於福籍金符衍慶北都刊字於威
編息門外之驚濤冥庭前之麗景椿萱難老

蘭桂長新藉首皈依平坐如法

平坐讚

道場衆等執簡當心平坐如法

開經玄蘊呪

寂寂至無宗

虛峙劫仞阿

豁落洞玄文

誰測此幽遐

一入大乘路

孰計年劫多

不生亦不滅

欲生因蓮花

超凌三界徒

慈心解世羅

真人無上德

世世為仙家

請轉寶經

誦經

仰惟無極大道三境至尊十華高真三界衆

聖祈垂鑒映同賜證明臣聞道混一元御炁
玄黃之表教羅七部流於牛經緯之中真風索
籥於清微化雨沾濡於其混消天災而禳地
禍全陽德而證陰功種種禎祥昭昭福慶凡
伸皈戴必沐陶鎔龍炁炁母以仙飛超化兒而

問十

五

真適向來奉為某修誦真經莫不虛明一性
澄瀾五情啓紫陽玉匱之藏關盟四極敷碧
落金真之典證誓十華幸經法之周圓獲試
魔之辟斥上徹天澤下浹民生伏願某道域
天開德基日闢吉祥止止箕疇九五以俱登

第祿崇崇義象十三而並遂七葉耀連榮之
盛五枝騰衍慶之芳親逝祖玄俱擢形於紫
漢寃和冥顯均超景於黑單門庭之霽月秋
澄院宇之光風春適普該眷序均擁熙平更
冀夜壑開明寒庭煥耀飛潛化化各遊泳於
天和動植生生並涵濡於地粹八荒壽域九
軌福庭稽首皈依聞經讚詠

三聞經

聞經已後唯願衆生深入法門歸依信受
聞經已後唯願衆生萬罪並消善芽增長

聞經已後唯願衆生永斷執迷常歸正道

向來頌

禮諸品懺儀

步虛

灑淨

三皈依

啓白

具位

臣

某謹焚香上啓

太上無極大道虛無自然元始天尊妙無上

帝虛皇玉晨大道君妙有上帝萬變混沌玄

元老君至真大帝諸天上帝十極高尊上元

一品賜福天官中元二品赦罪地官下元三

品解厄水官祖師正一沖玄神化靜應顯佑
真君上清王趙二真人天曹地府五嶽四瀆
洞天福地三界職司城隍社令無邊真宰恭
願虛玄曲應衷素遙聆縹緲丹輿降玲瓏之
玉闕翩翩綠輦御廣漢之瑤空萬聖雲從千

問十

六

靈雨集為觀懇禱俯賜禧祥臣聞三寶開圖
懺過昭回於惠日十華佐運朝天披拂於慈
雲省身殫百拜之文首愆紀三官之品若稽
洞輔參贊樞機玉律森嚴刑固符於秋殺金
經釋宥德實契於春生皆仙真推惠下之仁

俾黎庶克享終之壽凡居陶冶孰外權衡以
今奉爲齋主某今當清淨塵根齊同慧性遵
玄元之品格按靈寶之科條潔已朝眞鋪陳
丹笈檢身禮聖契合玄穹香花璀璨於三成
旂葆翩翩於九奏伏願某懺罪罪滅舉善善
臻霽月門庭常享敷顧之樂光風院宇咸膺
視履之榮起處而經緯扶玄行藏而陰陽拱
妙蒙如丹禱允荷玄恩清衆運誠依經朝禮

禮懺畢再啓白

具位

臣

某謹重誠上啓

三清上聖十極高真三元帝尊正一教主三界應感一切真靈臣聞上聖慈悲降福禧於蒼極下愚蒙昧積過咎於黃垓惟殫懺悔之誠斯罄祈禳之敬重摠卑陋荐瀆高明向來奉為某宣禮某懺莫不攝齊屏息縮衽舒音同十身殫朝禮之恭洵澄三業口罄舉揚之敬披散六情罪懺既往之繁福果輅方來之衆伏願自今其始惟吉之從付萬事於鴻毛松筠耐歲殄千殃於兔角梧竹藏春精神融愛日之和步武快祥風之運四時鼓舞五世扶

搖為如上緣志心稱念消愆滅罪天尊和不
可思議功德

向來

靈寶領教濟度金書卷之一百四十六

靈寶領教濟度金書卷之一百四十七

洞微高士開光救苦真人竊全真授

靈寶通玄弘教水南先生林靈真編

科儀立成品祈禳通用

真靈醮儀

步虛 燒香頌

各禮師存念如法

宣衛靈呪

金真綠霞煥映三天 飛雲丹霄諸天控輶
晨輝啓旦陰翳俱蠲 九微震空五星回旋

萬仙應感自然妙玄 杳冥散景分形億千
蒙昧光曜瑞降壇乾 生死蒙惠灌鍊金泉
魔王恐懼合景三田和與道合真

鳴法鼓二十四通

無上三天玄元始三炁太上道君召出臣身

中三五功曹左右官使者侍香玉童傳言玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神以今陞壇行道願得

玉清道炁靈寶妙光下降流入臣等身中即

問十

使玄壇清淨內外成真天無氛穢地絕妖塵
琳琅振響十方肅清萬魔不干真誠上徹今
臣所啓速達逕御

太上無極大道至真玉皇上帝御前

請稱法位

具位臣某謹重誠上啓臣以一介愚蒙千生
慶幸聯名領教系代學真八會金書九光鳳
檢普皆傳授佩奉弗諉行宜息影煙林韜光
雲壑存思玄妙凝景虛無而塵豔榮心駒陰
暗老徒慚寸進兩鬢星星皦日丹心三辰在
上皇恩浩蕩未賜譴呵濟物利人期敦勲行
凡有投告敢不關聞臣昨據弟子某乞就本
家崇建某齋幾晝夜消災謝過保命延生臣
既領忱詞依科修奉已為建齋行道燒香懺
謝十方投誠四極天恩允穆齋事圓成以今

解散齋壇言功拜表靖言攸自敢負玄釐輒
露葵誠少陳淪祭伏望鸞驂鶴駕即離玄都
風馬雲車下臨碧落俯從懇悃曲賜迂臨臣
不勝虔切望恩之至謹稽首再拜奏請

降聖

問十

九

謹奏請太上無極大道大羅玉京元始天尊
太上道君太上老君昊天玉皇上帝三寶帝
君三寶丈人伏願應感分輝流光下降
謹奏請北極紫微大帝紫微天皇大帝東極
青玄上帝南極長生大帝九天上帝三十二

天上帝五老上帝東華西靈已得道大聖衆
至真諸君丈人伏願應感分輝流光下降

謹奉請太陽太陰五星四曜南辰北斗上真
道君二十八宿星君醮主合家本命元辰真
聖本宿星君運炁真宰伏願應感分輝流光
下降

謹奉請泰玄樞機三省諸相天君玄中大法
師三天大法師靈寶經籍度三師君伏願應
感分輝垂慈下降

謹奉請天地水三官大帝北極四聖真君九

天諸司天曹諸司上清諸院使真君飛天神
王五帝大魔三元真君上章詞表靈官伏願
應感分輝垂慈下降

謹奉請妙行真人玄一三真人太極太虛真
人太極左仙公冲應真人太平下教二十四
真人伏願應感分輝垂慈下降

謹奉請三洞威神三寶官屬靈寶領仙監齋
飛天騎吏三十二天監齋直事左右官使者
三五功曹侍香金童傳言玉女五帝直符直
日香官左右龍虎君諸天仙吏伏願應感分

輝垂光下降

謹奉請三洞四輔經錄法科上聖高真神仙
官將吏兵諸省府院司官屬將吏兵馬本靖
侍靖仙官玉童玉女主將副將護道監壇服
勞佐理宣德承符合屬官吏伏願應感分輝

明十

+

垂慈下降

謹奉請五嶽五帝真君五天聖帝洞天福地
靖廬治化仙官海上五嶽十洲三島仙官東
華方諸西靈崑崙臺仙官伏願應感分輝垂慈

下降

謹奉請西城總真上卿司命定錄右禁三官
保命真君南嶽夫人東華道君上清仙侯本
派祖玄真君列位真人經籍度師列位真人
伏願應感分輝垂慈下降

謹奉請地府酆都大帝九壘土皇君六洞仙
官十宮真君五道大神曹僚案掾無極神吏
伏願應感分輝垂慈下降

謹奉請水府扶桑大帝四海龍王四瀆源王
九江水帝十二河源仙官五湖七澤大神水
府曹僚案掾無極神吏伏願應感分輝垂慈

下降

謹奉請九州社令木州本縣城隍當境里域
齋主司命六神近遠廟貌祀典神衆惟願應
感分輝垂慈下降

謹奉請三界符使四直功曹玄壇翊衛四靈

問十

十一

神君監醮香官監齋使者宣通命令一切神
明惟願應感分輝垂慈下降

初獻

臣謹重誠上啓臣以濟度爲心承宣是職代
天行化助國救民職分當然敢云怠廢今齋

主某肘行膝步目注心馳拜首蒼穹皈神紫
漢深慮劫終劫始身後身前寃債縈纏愆尤
結習未經懺滌難處康寧運限往來招致障
難行藏動靜易致災臻期集亨嘉惟依天澤
是以恭披藥笈肅建齋功真切辦香恪祈感
應果蒙從欲功德周圓懺罪罪除祈福福至
天光遐被帝渥羅敷法雨周流慈風披拂蕃
釐普集純嘏咸臻仰荷宸巖曲垂廕祐恩深
溟渤德重華嵩下土微臣曷伸效報蘋蘩有
薦籩豆孔嘉敢奉周旋肅陳奠獻伏願察茲

芹采俯賜時歆三寶至尊諸天元聖十方真
宰三界靈司普領齋忱同垂景貺臣不勝祈
禱之至謹伸亞獻

亞獻

臣謹重誠上啓臣以天貺下臨雲行雨施洪

恩衣被日耀星輝極地清明普天同慶齋主
某修齋行道既藉維持革故鼎新允資福育
伏願誕垂終惠申錫初忱舊燦風綸昭回碧
落羅敷雲綉煥映玄虛普告十方遍觀八極
為齋主某黑編削過青簡書功萬聖匡扶五

靈度籍福基鞏固壽域延洪玉樹酣春金花
潤曉方瞳照綠兩臉留丹冠絕陰陽災消隱
顯芝蘭秀發松栢貞堅文獻傳芳詩書留潤
門闡有喜院宇無塵長幼咸安公私利泰臣
等依榮瑤卮印武丹墀敷奏乖儀對揚越格

問十

十二

四司五帝恐紀天章恪奠慈觀同垂帡祐上
願乾坤澄晏風雨均調經緯輝華山川清謐
牧尹忠正黎庶安和鴻雁寧居犬羊息警田
疇豐稔草木鮮榮動植飛潛各無疵癘龍仙
人鬼均受陶鎔臣不勝懇禱之至謹伸終獻

終獻

臣謹重誠上啓臣以今月淡河澄風輕雲斂
玄煙隱馥絳蠟收光禮磬敷陳儀周奠獻黃
旗紫蓋諒返瓊都翠葆珠幢已旋霄漢臣等
躬辭聖陞跡隨塵關依竊心無階後傾徒切臣

下情不勝拳仰激切之至謹稽首再拜奉送

復鑪

香官使者左右龍虎君待香諸靈官當令臣
設醮之所自然生金液丹碧芝英百靈衆真
交會在此香火鑪前令臣學道得道求仙得

仙齋主受福幽顯沾恩十方仙童玉女侍衛
蘭煙傳臣向來所啓速達逕御

太上無極大道至真玉皇上帝御前

回輶頌

靈寶領教濟度金書卷之一百四十七

共



